

RADIONICA „ULOGA KNJIŽNICA/BIBLIOTEKA U PROVOĐENJU UN-AGENDE 2030
MOSTAR, HOTEL MOSTAR, 22. 6. 2018.

U sklopu Okruglog stola Društva bibliotekara pravnih i srodnih biblioteka Jugoistočne Europe , a koji je dio „Međunarodnog savjetovanja trgovačkog i građanskog zakonodavstva i pravne prakse“, održana je radionica pod nazivom „Uloga knjižničara/bibliotekara u provođenju UN-Agende 2030 i ciljevi održivog razvoja.“

Posljednja treća radionica koja je održana u Mostaru (BiH) 22. 6. 2018. je zajednički regionalni projekt kojeg su realizirali IFLA/IAP, BAM, SEALL, HKD i BDS. Dvije prethodne radionice održane su u Beogradu (Srbija) i Zagrebu (Hrvatska). Radionicu u Mostaru zajednički su organizirali Asocijacija BAM i Društvo bibliotekara/knjižničara pravnih i srodnih biblioteka/knjižnica Jugoistočne Europe.

Na radionici se govorilo o otključavanju pojedinih biblioteka u Jugoistočnoj Europi kroz regionalnu suradnju održivi razvoj.

Radionici je prisustvovalo 30 učesnika iz BiH, Hrvatske i Srbije. Iz BiH su prisustvovali kolege iz Maglaja, Bihaća, Tešnja, Mostara, Bugojna, Tuzle, Nevesinja, Travnik i Sarajeva.

Učesnici radionice imali su priliku saznati o ciljevima UN-Agende 2030, aktivnostima IFL-e u protekle tri godine koje su dovele do toga da su biblioteke postale partneri u provođenju 17 ciljeva održivog razvoja.

17. glavnih ciljeva zemalja članica UN-a koji obuhvaćaju različita socijalna i ekonomska pitanja kao što su: siromaštvo, zdravlje, obrazovanje, klimatske promjene, ravnopravnost spolova, prirodne resurse, urbanizaciju, energiju, okoliš i socijalnu pravdu.

Tema kojima se radionica još bavila su ciljevi regionalne suradnje na IFLA/IAP projektu, plan zagovaranja, zatim mediji kao partneri i rezultati ankete koja je provedena u BiH, Srbiji i Hrvatskoj.

Govorilo se o važnosti strukovnih društava u implementaciju UN-Agende.

Na radionici je vladala odlična atmosfera, sjajne ideje i timski rad na temu kako osnažiti ulogu bibliotekara/knjižničara u ostvarivanju globalnih ciljeva.

Polaznici radionice dobili su IFLA certifikat jer su radionice realizirane u okviru Međunarodnog IFLA programa za zagovaranje (IFLA/IAP).